



COMUNICACIÓN PARA PROFESIONAIS SANITARIOS

Adaptación temporal do calendario de vacinación en Galicia

Problema de subministro de vacinas con compoñente fronte a tose ferina

Antecedentes

Nos últimos meses as compañías GlaxoSmithkline e Sanofi Pasteur MSD comunicaron dificultades de subministro das vacinas que conteñen antíxenos fronte a tose ferina como consecuencia de dificultades xurdidas na súa producción. Este problema dase a nivel mundial e afecta fundamentalmente ás vacinas pentavalentes e ás trivalentes dTpa utilizadas no calendario de vacinación infantil.

Nestes momentos é difícil estimar o tempo necesario para resolver esta situación, que podría prolongarse a medio prazo

Esta situación non afecta á seguridade das vacinas dispoñibles e que utilizamos actualmente.

Resposta

En resposta a esta situación, as Comunidades Autónomas coordinadas desde o Ministerio de Sanidade, Servizos Sociais e Igualdade, puxeron en marcha diversas actuacións para darlle unha resposta adecuada e minimizar as repercuśóns sobre os programas de vacinación.

Estamos en contacto coas autoridades sanitarias da Unión Europea para intercambiar información relativa a este problema común e buscar solucións conxuntas.

Realizáronse as xestións necesarias coas compañías farmacéuticas subministradoras para dispor das vacinas e presentacións alternativas para suprir as vacinas afectadas, especialmente na serie primaria de vacinación, e cubrir as necesidades de doses para cumplir a estratexia de adaptación transitoria do calendario de vacinación acordada pola Comisión de Saúde Pública na reunión do 11 de maio de 2015.





Adaptación transitoria do calendario de vacinación infantil en Galicia

Elaborouse unha estratexia común que as CCAA implementarán segundo a súa situación. En base a elo en Galicia presentouse a situación á Comisión Asesora de Enfermidades Inmunoprevibles e acordouse consensuadamente a seguinte adaptación do calendario de vacinación

1- Pauta de primovacunación

O obxectivo prioritario do programa de vacinación fronte a tose ferina é a prevención das hospitalizacións e falecementos nos menores de tres meses de idade.

Dada a escasez de vacina pentavalente, para cumplir este obxectivo sen alterar a protección fronte ao resto das enfermidades inmunoprevibles, **sustituirase a dose de vacina pentavalente dos 4 meses por unha hexavalente**, preservando as pentavalentes dispoñibles para a dose de recordo os 18 meses.

O calendario actual presenta unha dose de vacina fronte a hepatite B ao nacemento polo que esta adaptación transitoria supón a administración de catro doses de vacina fronte á hepatite B. A seguridade da recepción de doses adicionais de vacina fronte á hepatite B (máis alá das tres habitualmente recomendadas) está suficientemente contrastada por experiencias noutras países da Unión Europea.

2- Recordo dos 18 meses

Este recordo realizarase con vacina pentavalente (DTPa-VPI-Hib), sempre que sea posible e se dispoña de doses desta vacina.

En caso de non dispor de vacinas pentavalentes, administrarase unha dose de vacina hexavalente.

A seguridade da recepción de doses adicionais de vacina fronte á hepatite B (máis alá das tres habitualmente recomendadas) está suficientemente contrastada por experiencias noutras países da Unión Europea.

3- Recordo dos 6 anos

No calendario de vacinación, a dose de recordo dos 6 anos está previsto que se realice con vacina dTpa. Nesta situación é necesario retrasar a administración desta dose ata dispor de doses suficientes. Dado que o obxectivo desta dose é manter a protección a longo prazo, non se considera que exista un incremento de risco por este retraso.





RESUMO

O calendario de vacinación infantil en Galicia queda temporalmente co seguinte esquema

CALENDARIO do PGV

0 meses	2 meses	4 meses	6 meses	12 meses
Hepatite B	Vacina hexavalente Pneumo conxugada	Vacina hexavalente Meningo C Pneumo conxugada	Vacina hexavalente	Triple vírica Meningo C Pneumo conxugada
18 meses	3 anos	6 anos	12 anos	14 anos
Vacina Pentavalente ou hexavalente	Triple vírica	Suspendida temporalmente	Varicela, só susceptibles VPH (virus do papiloma humano) Meningo C	Td

Esta situación está revisándose permanentemente e, no caso de que as xestións realizadas permitan dispor de maior número de doses ou normalizar a situación, será comunicada calquera modificación ao respecto.

Santiago de Compostela, 13 de maio de 2015

A Directora Xeral de Innovación e Xestión da Saúde Pública

Sonia Martínez Arca



O Director Xeral de Asistencia Sanitaria

Ramón Ares Rico



